



ANNUNZIA D'EXAMEN ELECTRONICA

Dumondas e respostas las pli frequentas

1. Per tge examens stoss jau s'annunziar da nov electronicamain?	> L'annunzia per ils examens d'admissiun a la 1. classa dal gimnasi ha lieu electronicamain www.zap.gr.ch > L'annunzia per ils examens d'admissiun a la 3. classa dal gimnasi ed a la 1. classa da la HMS ni FMS ha lieu electronicamain..
2. Co pos jau m'annunziar electronicamain?	Durant ils temps suandants è il sistem d'annunzia electronic avert per s'annunziar als examens: > Temp d'annunzia progimnasi: 5-10-2020 – 14-12-2020 (examen d'admissiun da la 6. classa primara a la 1. classa dal gimnasi) > Temp d'annunzia examen unitar: 02-11-2020 – 11-01-2021 (examen d'admissiun da la 2./3. classa secundara e da la 2./3. Classa reala a la 3. classa dal gimnasi ed a la 1. classa da la HMS/FMS)
3. Nua pos jau m'annunziar electronicamain?	> L'annunzia electronica vegn ad esser accessibla durant il temp d'annunzia correspondent via homepage da l'Uffizi per la furmaziun media-superiura. > L'adressa d'internet per l'access direct a l'annunzia electronica sa cloma www.zap.gr.ch
4. A tgi pos jau sa volver sche jau hai difficultads cun l'annunzia via internet?	> Ils secretariats da las scolas medias As gidan tar l'annunzia electronica. > En cas da problems pudais Vus era sa drizzar a l'Uffizi per la furmaziun media-superiura.
5. Tge pos jau far, sche jau n'hai betg access a l'internet?	> En quai cas pudais Vus fixar in termin per l'annunzia electronica cun ils secretariats da las scolas medias ni da l'Uffizi per la furmaziun media-superiura.
6. Tge dovrel jau per l'annunzia?	> Per s'annunziar stuais Vus sa registrar cun ina adressa dad e-mail valaivla e cun in pled-clav. Suentar avair endatà Vossa adressa dad e-mail ed in pled-clav survegnis Vus tramess in code che Vus stuais scriver en sin la proxima pagina per finir la registraziun.
7.1. Ma pos jau s'annunziar pliras giadas?	> Suentar la registraziun pudais Vus s'annunziar tontas giadas sco Vus vulais cun Vossa adressa dad e-mail ed il pled-clav entaifer il temp d'annunzia fin a l'annunzia definitiva e modifitgar Vossa annunzia.
7.2. Co stoss jau agir tar l'annunzia da plirs candidats?	> Tar l'annunzia da plirs candidats sto per mintga singula annunzia vegnir drizzada en ina nova entrada cun Vossa adressa dad e-mail ed in pled-clav separà. In pled-clav gia utilisà na sa betg vegnir duvrà per ina ulteriura annunzia.
8. Con lubesch jau a mes browser „cookies“?	Per che l'annunzia via internet funcziuneschi correctamain, ston cookies esser lubids en Voss browser.

	> Internet Explorer: menu Extras/Internetoptionen/Datenschutz > Firefox: Extras/Einstellungen/Datenschutz > Safari: Safari/Einstellungen/Sicherheit
9. Pos jau magasinar mia annunzia avant che finir?	> Vus pudais emplenir Vossa annunzia en pliras etappas. > Entant restan Vossas datas gia dadas en magasinadas.
10. Co sai jau sche l'annunzia ha funcziunà?	> Suentar avair tramess l'annunzia definitivamain vegnis Vus a survegnir in e-Mail che conferma Vossa annunzia. > Davent da quel temp pudais Vus be controllar Vossas datas, ma betg pli midar quellas. Sche Vus vulais far midadas suenter l'annunzia definitiva, prendai per plaschair si contact cun l'Uffizi per la furmaziun media-superiura. support@zap.gr.ch
11. En ils termins d'annunzia liants?	> Ils termins d'annunzia per l'annunzia electronica èn liants. > Tar ina retratga suenter la scadenza dal termin d'annunzia sto la taxa d'examen da 100.- francs vegnir pajada malgrà la retratga. > Cumenzai ad ura cun l'annunzia per cas ch'i dat difficultads d'emplenir ils formulars electronics.
12. Stos jau absolver l'examen en la medema scola media che jau vi frequentar pli tard?	> Na, Vus pudais tscherner tar l'annunzia il lieu d'examen independentamain da la scola media che vegn frequentada pli tard. La libra tscherna da la scola è garantida.
13. Pos jau m'annunziar per l'entrada en la 3. classa dal gimnasi ed alternativ per l'entrada en la 1. classa da la HMS ni FMS?	> Gea, Vus pudais inditgar tar l'annunzia tge tip da scola ed il lieu da scola che Vus vulais tscherner per cas che Vus n'avais betg dumagnà l'access a la 3. classa dal gimnasi sin fundament dals resultats da l'examen, ma Vus fissas dentant admiss a la 1. classa da la HMS ni da la FMS.
14. Stoss jau anc inoltrar ulteriurs documents suenter l'annunzia electronica?	> Gea, ils documents ston vegnir inoltrads fin il pli tard ils 5 da favrer 2021 tar l'Uffizi per la furmaziun media-superiura, secretariat d'examens d'admissiun, Gäuggelistrasse 7, chascha postale 24, 7001 Cuir u electronicamain a support@zap.gr.ch: – copia da l'attestat (copia da l'attestat da l'emprim semester 2020/2021) – copia da la carta d'identitad ni dal pass. > Sche Vus inoltrais ils documents electronicamain, na duvrain nus quels betg supplementarmain en format da palpiri.